



Arkivnr: 2017/541-1  
Saksbehandlar: Birthe Andersen Haugen, Guro Kjellerød

## Saksframlegg

### Saksgang

Utval	Saknr.	Møtedato
Utval for opplæring og helse		07.02.2017
Fylkesutvalet		22.02.2017
Fylkestinget		07.03.2017

## Retningslinjer for namnefastsetjing - vidaregåande skular i Hordaland

### Samandrag

For namnesetjing av vidaregåande skular må fylkeskommunen rette seg etter Lov om stadnamn og Forskrift om skrivemåte av stadnamn.

Det vanlegaste og tilrådde mønsteret for namnesetjing av fylkeskommunale og kommunale institusjonar og tiltak er å nytte eit tradisjonelt stadnamn som første del av namnet og eitt eller fleire namn som fortel kva slags institusjon det er som andre del eller hovudledd, t.d. Odda vidaregåande skule og Sandsli vidaregåande skole. Det stadnamnet som går inn i institusjonsnamnet, viser oftast til kommunen eller bygda/tettstaden der institusjonen ligg. Det gjeld særleg når institusjonen er den einaste i sitt slag i kommunen.

Fylkesrådmannen meiner at i dei fleste tilfelle vil ein praksis der ein nyttar stadnamn etter mønsteret over, vere det korrekte. I særskilde høve bør det opnast for at skular kan nytte andre typar namn som til dømes personnamn, jf. Amalie Skram vidaregåande skole og Nordahl Grieg vidaregåande skole. Dette vil berre vere aktuelt i større kommunar med fleire vidaregåande skular. Ved slike høve må det grunngjevast kvifor stadnamn ikkje vert nytta.

### Forslag til innstilling

1. Vidaregåande skular i Hordaland skal i hovudsak gjevast namn etter lokale stadnamn.
2. I større kommunar med fleire skular kan det etter vurdering nyttast til dømes personnamn.

Rune Haugsdal

fylkesrådmannSvein Heggheim  
fylkesdirektør opplæring

*Saksframlegget er godkjent elektronisk og har derfor inga underskrift.*

**Fylkesrådmannen, 20.01.2017**

For namnesetjing av vidaregåande skular må fylkeskommunen rette seg etter Lov om stadnamn (stadnamnlova) og Forskrift om skrivemåte av stadnamn.

Det vanlegaste og tilrådde mønsteret for namnsetjing av fylkeskommunale og kommunale institusjonar og tiltak er å nytte eit tradisjonelt stadnamn som første del av namnet og eitt eller fleire namn som fortel kva slags institusjon det er som andre del eller hovudledd, t.d. Odda vidaregåande skule og Sandsli vidaregåande skole. Det stadnamnet som går inn i institusjonsnamnet, viser oftast til kommunen eller bygda/tettstaden der institusjonen ligg. Det gjeld særleg når institusjonen er den einaste i sitt slag i kommunen.

Fylkesrådmannen meiner at i dei fleste tilfelle vil ein praksis der ein nyttar stadnamn etter mønsteret over, vere det korrekte. I særskilde høve bør det opnast for at skular kan nytte andre typar namn som til dømes personnamn, jf Amalie Skram vidaregåande skole og Nordahl Grieg vidaregåande skole. Dette vil berre vere aktuelt i større kommunar med fleire vidaregåande skular. Ved slike høve må det grunngjevast kvifor stadnamn ikkje vert nytta.

Alle statlege, fylkeskommunale og kommunale organ som skal vedta skrivemåte av stadnamn, skal leggje saka fram for stadnamntenesta. Det er departementet som nemner opp stadnamnkonsulentar til stadnamntenesta. Stadnamntenesta gir råd om skrivemåten av stadnamn, men kan og gje råd om namnsetjing. Reglane om høyring ved fastsetjing av stadnamn er først og fremst knytt til skrivemåten av namna. Når det gjeld val av namn på gater og vegar og andre kommunale anlegg, er det ikkje lovfesta nokon eigen høyringsrunde. Det vanlege er likevel at namna blir valt etter at lokale organ og grupper som bydelsutval, grendelag, tilsette ved skulane og liknande har fått utale seg.

Forskrift om skrivemåte for stadnamn skildrar også saksgang for namnesetjing. Saksgang for namnesetjing av vidaregåande skular i Hordaland vil sjå slik ut:

**Rutine for namnesetjing av vidaregåande skular, jf Forskrift om skrivemåte av stadnamn.**

- a) Opplæringsavdelinga førebur sak om namn på den aktuelle vidaregåande skulen.
- b) Forslag til namn og grunngjeving blir gjort kjend for dei som har rett til å uttale seg ved direkte brev. Det er til vanleg kommunen og skulen som har rett til å uttale seg. I særskilde høve har også andre rett til å uttale seg, jf. Lov om Stadnamn § 6. Alle andre vert invitert til å uttale seg ved at framlegg til namn vert lagt ut til open høyring som vert kunngjort på [www.hordaland.no](http://www.hordaland.no) og i to lokale aviser.
- c) Dersom ein skule skal endre namn, må skuleleiinga gjennomføre møte med dei tilsette ved skulen for å informere og innhente fråsegn innan høyringsfristen.
- d) Høyringsfrist vert sett til minimum 8 veker.
- e) Fylkeskommunen v/administrasjonen sender dei innkomne fråsegnene til den lokale namnekonsulenttenesta saman med eiga fråsegn. Namnekonsulenttenesta gir tilråding om skrivemåte til vedtaksorganet innan 8 veker.
- f) Fylkesadministrasjonen lagar ei sak som vert lagt fram for fylkestinget som fattar vedtak.
- g) Melding om vedtak vert sendt til dei med klagerett, jf.Forskrift om skrivemåten av stadnamn § 9.
- h) Eventuelle klager på vedtak skal leggjast fram for fylkestinget. Fylkestinget skal vurdere klagen og enten endre vedtaket eller sende saka til Klagenemnda for stadnamnsaker for endeleg avgjerd. Administrasjonen sender kopi til klagaren.
- i) Klagenemnda gjer vedtak og sender melding til fylkestinget og dei som er part i saka.
- j) Fylkesrådmannen gjer dei nødvendige tiltak for iverksetjing av vedtaket.